

BOSNA I HERCEGOVINA
FEDERACIJA BOSNE I HERCEGOVINE
UNSKO SANSKI KANTON
KANTONALNI SUD U BIHAĆU
BROJ: 001-0-Su-25-000503
Dana, 01.07.2025. godine

Na osnovu odredbe člana 15. stav 1. i 2. Pravilnika o vremenskim okvirima za postupanje po predmetima u sudovima i tužilaštvima BiH („Službeni glasnik BiH“, br. 5/13, 101/13, 61/14, 10/15 i 56/15), dostavljam vam analizu polugodišnjeg izvještaja o poštivanju optimalnih i predvidljivih rokova u Kantonalnom sudu u Bihaću, za period od 01.01. do 30.06.2025. godine.

Analiza izvještaja o poštivanju optimalnih i predvidivih rokova u Kantonalnom sudu u Bihaću za period od 01.01. do 30.06.2025. godine

Analiza pokazatelja iz statističkog izvještaja o poštivanju optimalnih i predvidivih rokova

Na osnovu parametara danih u CMS-u: broj neriješenih predmeta, optimalni rok, broj sudaca, orijentaciona norma, ovaj je sud izradio Odluku o predvidivim rokovima za 2025. godinu.

U izvještajnom periodu, od ukupno **1705** predmeta koje ovaj izvještaj obrađuje, ukupno je riješeno **1177** predmeta i to: u predvidivom roku riješeno je **1130** predmeta od kojih je u optimalnom roku riješeno **1075** predmeta, a sa prekoračenjem predvidivog roka riješeno je 47 predmeta. Prosječno trajanje riješenih predmeta je 87 dana, dok je prosječno trajanje neriješenih predmeta na kraju izvještajnog perioda 196 dana.

Gledano po pojedinim referatima pokazatelji izgledaju ovako:

Na upravnim predmetima (U-U) utvrđeni optimalni rok prema Odluci je 135 dana dok je predvidivi rok 236 dana. Od ukupno 230 riješenih predmeta upravnog spora, 207 predmeta je riješeno u predvidivom roku, od kojih je 178 riješeno u optimalnom roku, dok je 23 predmeta riješeno sa prekoračenjem predvidivog roka. Prosjek trajanja riješenih predmeta je 111 dana, što je u granici optimalnog roka. Prosječno trajanje neriješenih predmeta na kraju izvještajnog perioda je 66 dana.

Na krivičnim predmetima (K-K) optimalni rok je 88 dana, dok je predvidivi rok 204 dana, a prema statističkim podacima ovi predmeti su rješavani, prosječno, u roku od 631 dan. Od ukupno 23 riješena predmeta, 12 predmeta riješeno je u predvidivom roku, od kojih je 7 predmeta riješeno u optimalnom roku, a 11 predmeta riješeno je sa prekoračenjem predvidivog roka.

Na predmetima Kps, od ukupno 14 riješenih predmeta, 11 predmeta je riješeno u optimalnom roku dok su 3 predmeta riješena sa prekoračenjem predvidivog roka. Prosječno trajanje riješenih predmeta iznosi 56 dana, što je ispod predvidivog roka (od 82 dana).

Prosječno trajanje neriješenih predmeta na kraju izvještajnog perioda za predmete K je 1428 dana, a za predmete Kps je 2028 dana, što potvrđuje u ranijim godinama isticane probleme sa kojima se Sud susreće prilikom rada na ovim predmetima, kao što su: zakonske ili procesne smetnje za postupanje u pojedinim predmetima (nedostupnost osumnjičenog, odnosno optuženog ili svjedoka, raspisane potjernice, dugo trajanje ekstradicionog postupka i sl.). Naime, od ukupno 37 neriješenih prvostepenih krivičnih predmeta (K) 10 predmeta ima status nerješivih, a od ukupno 10 neriješenih Kps predmeta 7 predmeta ima status nerješivih.

Na drugostepenim parničnim predmetima (P-Gž), optimalni rok je 207 dana a predvidivi rok je 304 dana. Od ukupno 373 riješena predmeta, 369 predmeta riješeno je u predvidivom roku, od kojih je 367 predmeta riješeno u optimalnom roku, dok su 4 predmeta riješena sa prekoračenjem predvidivog roka. Prosječno trajanje riješenih predmeta je 80 dana, a prosječno trajanje neriješenih predmeta na kraju izvještajnog perioda je 47 dana, što je daleko ispod granice optimalnog roka.

U drugostepenim postupcima u privrednim sporova (Ps i Mals) od ukupno 82 riješena predmeta, svi predmeti su riješeni u optimalnom roku (od 187 dana). Prosječno trajanje riješenih predmeta je 77 dana a prosječno trajanje neriješenih predmeta na kraju izvještajnog perioda je 56 dana što je znatno ispod optimalnog roka.

Od ukupno 228 predmeta po žalbama u izvršnom i vanparničnom postupku (I,O,V,V1,V2) ukupno je riješeno 177 predmeta i to: 176 predmeta riješeno je u predvidivom roku (od 276 dana) od kojih je 169 predmeta riješeno u optimalnom roku (od 136 dana), dok je 1 predmet riješen sa prekoračenjem predvidivog roka. Prosječno trajanje riješenih predmeta je 55 dana, a prosječno trajanje neriješenih predmeta je 106 dana, a što je ispod optimalnog roka.

Od ukupno 87 riješena postupaka po žalbi na presudu u krivičnom postupku, svi predmeti riješeno su u predvidivom roku (od 210 dana) od kojih je 84 riješeno u optimalnom roku (od 158 dana). Prosječno trajanje riješenih predmeta je 77 dana, a prosječno trajanje neriješenih predmeta je 53 dana, što je znatno ispod optimalnog roka.

Od ukupno 88 riješenih predmeta po žalbi u prekršajnom postupku 87 predmeta je riješeno u predvidivom roku (od 100 dana) od kojih je 81 predmet riješen u optimalnom roku (od 70 dana), dok je 1 predmet riješen sa prekoračenjem predvidivog roka. Prosječno trajanje riješenih predmeta je 30 dana a prosječno trajanje neriješenih predmeta je 38 dana što je znatno ispod optimalnog roka.

Od ukupno 57 riješenih drugostepenih postupaka po žalbi u građanskim sporovima Dn-Gž, 55 predmeta riješeno je u predvidivom roku (od 166 dana), od kojih su 53 predmeta riješena u optimalnom roku (od 136 dana), dok su dva predmeta riješena sa prekoračenjem predvidivog roka. Prosječno trajanje riješenih predmeta je 62 dana, a prosječno trajanje neriješenih predmeta je 55 dana, što je znatno ispod optimalnog roka.

Za riješene ostale predmete po žalbi (u postupku po žalbi protiv mjere osiguranja-Mož; stečajnom postupku-St-Pž; likvidacionom postupku-L-Pž; ponavljanju postupka-Gvl ili Pvl;

postupku za vanredno preispitivanje sudske odluke u upravnom sporu-Uvp; žalba na odluku o ponavljanju postupka Gvlž ili Pvlž, ponavljanje postupka-Uvl), može se izvesti jedinstven zaključak da je prosječno trajanje riješenih predmeta znatno ispod utvrđenog optimalnog roka.

Analiza „perioda neaktivnosti“ u predmetima

U predmetima ovog suda u kojima postoje procesne pretpostavke za suđenje, a u kojima je došlo do značajnijeg prekoračenja predvidivih i optimalnih rokova, „perioda neaktivnosti“ nije bilo. Razlozi za značajnije prekoračenje rokova u prvostepenim krivičnim postupcima navedeni su u prvom dijelu.

Analiza raspoloživih resursa u sudu:

U periodu od 01.01. do 30.06.2025. godine sud je imao 13 sudaca (zajedno sa predsjednicom suda) dok je u proceduri izbor jednog sudije, a koji broj bi bio dovoljan za nesmetan rad suda. Pored sudaca u ovom periodu rade i dva stručna saradnika sudaca.

Prijedlog mjera kako bi se utvrđeni predvidivi rokovi skraćivali i približavali optimalnim rokovima:

- predsjednica suda i predsjednici sudskih odjeljenja će osigurati permanentno praćenje i analizu poštivanja utvrđenih rokova;
- na sjednicama sudskih odjeljenja, odnosno stručnog kolegija, sucima ukazati na nužnost poštivanja optimalnih, odnosno predvidivih rokova budući da se samo uz maksimalno angažovanje sudaca može ostvariti svrha njihovog utvrđivanja.

Ostalo:

PREDSJEDNICA SUDA:

Fata Nadarević